



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Pretiosae Occvpationes Morientivm In Societate Iesv

Nádasi, János

Romae, 1657

Cap. XXXV. Sub sacro se morti quotidie præparare.

**urn:nbn:de:hbz:466:1-45415**



Pofonii  
1649.  
10. Maij. dum surgimus mortis quasi iam imminentis meminisse: & cogitare, illud fortasse manè aduenisse cuius vesperam visuri non sumus. Iple 10. Maij manè sacris operatus, alterà tertiauè post horà apoplexià ictus, eius diei vesperam non vidit.

1. Ian.  
1609. 10 P. Andreas de Zea Granatæ spiritum reddidit charo Deo. Hic pro perpetua mortis memoria semper à feria 4. cinerum cineres, instar thesauri, asseruabat.

21. April.  
1652. 11 P. Iacobus Bernard Montibus mortuus, ab annis pluribus ad mortem optimè obeundam varia exercitia in dies singulos distribueraat; adiectà quadam, vt vocant, protestatione, quæ plurium in vsu iam esse consuevit, nimirum quouis rerum suarum pro extremis illius articuli satagente.

## CAPVT XXXV.

*Alterà apparatus; sub sacro, vel communionè mortis se preparare.*

1 I Oannes Card. de Lugo in ea quam ad Domum Prof. Romanam anno 1651. exeunte habuit exhortatione, nos ad singularem in diuino Sacrificio reuerentiam cohortatus; Iesu felicissimam Societatem, aiebat S. Dionysij Areopagitæ verbis, ex Sacramenti Communionè conyicies. Et verè illa nos triumphan-



phanti Iesu Societati parat, ferè inconfcios  
quando vltimùm introëamus ad altare Dei,  
breui post exiturè vita. P. Antonius Almeida  
habebat in more, quoties nonnihil præter  
ordinem corpusculi valetudine afficeretur,  
sub ipsa Missa sacra Domino suo tenerrimum  
vare dicere, ac si aliàs nunquam esset sacri-  
ficaturus. Moriens, humi voluit collocari,  
vbi suauissimè cum Iesu Crucifixo colloquens  
excessit è vita. Optima ad communionem,  
præparatio est, ire ad illam atq; si tunc esses  
expiraturus: parare se ad illam tanquam ad  
ianuam felicis æternitatis. P. Ioannes Veron  
Augi æger, dum se ad Sacramentum altaris  
per confessionem peccatorum pararet, suauiter  
expiravit inter Sacerdotis illum absolu-  
tum statim extremà vntione vngentis manus.

Trigaut. de  
Christ. ex-  
ped. lib 3-  
c. 5. pag.  
263.

1655.  
13. Iulij

2 P. Ioannes Baptista Velatus à S. P. Ignatio  
ad Societatem receptus, & multæ laudis, at  
maximè obedientiæ, vir, cùm æger ad su-  
prema deuenisset, id propè quiescens frater  
nihildum de periculo suspicatus non aduer-  
tit. Vidit hic per quietem Patrem Ioan. Bapt.  
Velatum Sacris operari ad aras, Ministro  
spectatissimæ venustatis adolescente candi-  
dato. Iam peracta videbatur Consecratio,  
& adoranda Hostia à P. Ioan. Bapt. Velato  
eleuata, & post hanc Calix. Tum Angelicus  
ille Adolescens Sacri Minister, acceptum è  
candelabro cereum fratri dare est visus, & di-

Annua  
Mediol.  
Coll 1602

11. Nouj

Angelus  
Custos,

N n cere,



cere; vt sine mora exurgeret, & Patri Ioanni Baptistæ animam iam agenti opportunâ ope adesset. Excitauit ea res fratrem à somno: & ad Patrem accurrit; atq; ita, vt Cælestis ille monitor dixerat, in agone positum reperit. Aduocati mox Patres ac fratres, migrantem animam sanctâ comprecatione sunt profecuti.

C.34. n.3. 3 *P. Franciscus Bordefius*, Sacris operatus cum Hostiam, & se ad mortem, vt dixi, ritè offerret, has voces audiuit: *Exaudita est deprecatio tua.*

4 *Patri quoq; Francisco Aranio* Lusitano diuinis Mysterijs operanti significatum diuinitus est, illum diem illi esse supremum. Ergò in Sacrificio illo Sanctissimum Sacramentum pro viatico sumpsit. A Sacro, Domus Præpositum adiit, seq; illo die moriturum dixit, adeòq; Vnctionem extremam in lectulo se collocans impetrauit, breuè in circumfusâ Patrum & fratrum coronâ suauis mortis languore extinctus.

5 *P. Sebastianus Diaz* in Cocinensi orientis India cum virtutis præstantis opinione decessit. Huius à collo pendens reperta est è corio lipsanotheca, & in ea duæ chartulæ, præter alia, inuentæ: quarum in alterâ, religiosa Societatis vota suo sanguine inscripserat: In altera scribebat; se tali anno, mense, die Dominico in Domestico Sacello Co-  
nimbri-



nimbricensis Collegij inter agendum gratias Christo post percepta diuina myſteria, tria hæc diuinitus accepiffe. 1. Es prædeſtinatus ad gloriam. 2. Perſeuerabis in Societate. 3. Poſt annos ab hinc quatuordecim morieris. Et verò expenſis benè calculis, ab eo anno & die, quem in charta adnotarat, illo ipſo die, quo mortuus eſt, annus decimus quartus implebatur. In Auſtriæ Prouincia ægrorum quædam cubicula hinc & hinc poſita ſacellum habent in medio; ad quod fenestra, & porta vtrinque aperiri poteſt, ad ſacrum audiendum. At hæc vbiq; haberi non poſſunt. Quapropter ſi æger ſacris audiendis intereſſe non poſſit, deſiderio ad omnes orbis terrarum Aras prouolutus, omnibus quæ toto terrarum orbe facta ſunt, fiunt, aut ſient Sacrificijs deſideret intereſſe; illis dolores ſuos ac mortem coniungat, & vnâ cum illis Deo Chriſtum, & ſe ſacrificet in Sacrificium laudis: *Sacrificium laudis honorificabit me: & illic iter quo oſtendum illi ſalutare Dei.*

6 Habendam pretioſæ mortis curam tempore diuini Sacrificij, monet illud quoque, quod habet vita P. Iosephi Anchiætæ in hæc verba: Ipſo die feſto S. Ioannis Euangeliftæ, Miſſa *Requiem*, quaſi certo homini parentauit. Id verò abſurdum multis viſum eſt. Nobregæ quærenti cur tantæ religionis die



tam enormiter ab Ecclesiæ ritu exerrasset? Respondit; eà nocte in Lauretano Collegio Societatis in Italia, Sacerdotem Societatis obijisse, quem Conimbricæ in Scholis condiscipulum habuisset; se illius animæ iuandæ Missæ Sacrificium eo die obtulisse: illam cælum ingressam, cùm post Sacrificij oblationem ad eum locum venisset; *omnis honor & gloria.*

Lib. 3a  
p. 299.

7 Ibidem P. Anchietæ dixit, se pro *Bartholomæo* quodam Adolescente nostro defuncto quinquies *hostiam salutarem* immolasse: neq; pluribus sanctam illam animam indigere. Hæc est illa anima, quæ sub auroram P. Adamo Gonzalo intentis in cælum oculis oranti, & agmen in alto ambulantium prospicienti dixit: *Pater, Pater, ego sum! ora Deum pro me.* Et Pater eam vocem *Bartholomæi* esse agnouit.

28. Ian.  
1643.

8 P. *Ioannes Bouvet* Nanceij & sacris operatus est sanus, & per horas nonnisi octo æger, Sacramentis munitus omnibus, finem viuendi placidè fecit. Per ipsos 25. annos quothebdomadis diuinum Sacrificium semel de B. V. celebravit ad hanc à Deo gratiam impetrandam, vt ne vlli molestus esset, etiam extremo in morbo; & tamen omnibus instructus Sacramentis decederet. Impetrauit.

8 P. *Petrus Spiga* mortis suæ tempus integro priùs mense particulatim prædixit.

Hic



Hic mortuus calicem manibus insertum, ut ad sepulturam, de more præferret, apprehendit, strinxitq; ceu viuens. Quæ profectò ipsa memoria, quòd sacrificali veste induti (Romæ quidem) deportemur ad exequias Patres, magno & solido stimulo est, ad illud sacrificium non perfunctorià celeritate decurrèdum, negotiumq; mortis nostræ accuratione ac pietate summà cum Deo tractandū in tempore præ omnibus alijs pretioso ac sancto.

S. Dec.  
1594.  
Biblioth.  
Script.  
Soc.

C A P V T X X X V I.

*Apparatio tertia ab amicis morientibus,  
mortuisq; discenda.*

**I** Alieno ista experimento res discitur: nam longè rarissimus est, cui bis id liceat, ut Lazaro, experiri. P. Ioannem Roruuolff, de quo supra, duodeuiginti ante mortem diebus morbo necdum periculum indicante duo Patres adière, quos P. Ioannes pridem vità functos esse sciebat, sibi olim familiariter notos. Interrogati cur venissent; disertis verbis affirmabant, se adesse, ut amicum suum ad cælestem Societatem inuitent. Hæ sit suauissima inuitantium species Patri Ioanni alto pectore. Sic age, tanquam inuitatus ad cælum.

31. Iul.  
1646.

**2** P. Henricus Carlier Huij mortem obiit, quam

16. Sept.  
1636.